

islami

Isikhokelo esisiseko
sembali ye Islam
nokufika kwe

ISLAM EMZANTSI AFRIKA

Ipapashwe ngu
Al Hidayah Centre,
Eastern Cape no
Dār al-'Ulūm al-'Arabiyyah
al-Islāmiyyah, Strand
South Africa



INTSHAYELELO NGUMUFTI M TAHA KARAAN INQUNUNU YASEDĀR AL-'ULŪM AL-'ARABIYYAH AL-ISLĀMIYYAH

I Islam yafika eAfrika phambi kokuba ifike eMadinah.

Iqela maMuslim okuqala lathunyelwa e Abyssinia ngumProfethi uMuhammad sallallahu alayhi wasallam wathi makayocela igwiba lokhuselo kwikumkani enobulungisa yase Afrika. Leyo yinyani engangxengwanga yezembali.

Kwiinkulungwane eziliqela emva koko i-Islam yanwenwa ngokukhawuleza kwizwekazi lase Afrika, kwimilibo eyahlukeneyo emithathu: ngaseNtshona uyokufikelela eMantla eAfrika, ukusukela apho yehla yazo kufikelela eSahara kanti nokuhla uyokutsho kunxweme lwaseMpuma lweZwekazi kuyokuqhagamishela apho namhlanje kukho iMozambique.

Oko kunwenwa kwenzeka ngaxesha linye nokufika kuka Da Gama eCape of Good Hope, njalo yaba sisiqalo sokufika kobuKoloniyali base Yurophu.

Ngokufika kwabo kwanqumama ukunwenwa kwe Islam kwezinye kwezinye iingingqi, ngenxa yezigalo namandla obuKoloniyali.

Kodwa nasekubeni kunjalo isigqibo sikaAllah asokuze sijikwe mntu okanye nto. Ngeendlela ezingalindelekanga u-Allah wenza ukufuduswa ngenkani

kwamaMuslim ukusuka eMpuma Ekude yaba yindlela i-Islam efikelela ngayo kwiNcam yeAfrika. Kunye nesiqalo sayo kumthunzi we Ntaba Yetafile yase Kapa, Yakhula ngokukhawuleza okukhulu ekuthambekeni kwinkulungwane ye 18 nasekuqaleni kwenkulungwane ye 19 nto leyo yabangela inkxalabo kwiCawa nakwiNkampani.

Ngenxa yezizathu ezahlukeneyo okokuhluma kwamaMuslim kweza nemilo yangaphakathi. Elo themba likhulu lokuhluma lagutyungelwa lusukuzwano, njalo abe amandla okuya phambili. Endaweni yokuba amaMuslim abheke phambili, amaMishinari aseYurophu alenyusa izinga lawo kancinci ada azokufikelela eMazantsi eAfrika.

Ngoku ixesha lifikile lokuba sicholachola apho kwashiywa khona kuyiwe phambili. Siyathemba ukuba le ncwadi ineengqokelela ze Ahadith zika Rasoolullah sallallahu alayhi wasallam iguqulelwe esixhoseni, iyakunika inkxaso ekuvaleni isikhewu esivulekileyo ngenxa yamathuba esiphulukene nawo okuhambisa inkolo ye Islam, nokuvala ezo mbobo zikhokelele ekuphulukaneni kwalo mathuba.*

Inga u-Allah angawomkela lo msebenzi kwaye awusikelele.

IMBALI EMFUTSHANE YAMAMUSLIM

I Islam yenye yeenkolo ezinkulu ehlabathini.

Ukususela ekuzalweni kwayo i-Islam e-Arabia kwiminyaka eyi 1,400 eyadlulayo yakhula ngokukhawuleza, yenza impembelelo enkulu kwifilosofi (intanda bulumnko, uncwadi, ubugcisa, ubunzululwazi namayeza njengoko sibona okokoko kwezembali.

Namhlanje, kuqikelelwa ukuba ehlabathini liphela malunga ne 1,8 billion yabantu ziiMuslim, okanye ikota yenani lwabantu abasehlabathini ziiMuslim.

Ingxam yemfundiso ye Islam kukuba Kukho Lowo Yena Yedwa unguSomandla, uThixo (onguSolwazi, ngesi Arabu ubizwa ngokuba ngu Allah. Ngesi Arabu eli gama lithi Islam lithetha "ukuzinikezela", kwintando kaThixo.

I Islam yasungulwa ngumProfethi uMuhammad sallallahu alayhi wasallam, Yena wazalwa eMakkah Mukarramah malunga nonyaka we 570 CE emva koko wayohlala eMadinah Munawwarah ngonyaka u 622 CE. UmProfethi uMuhammad sallallahu alayhi wasallam wayengumProfethi wokugqibela kwaye engoyena ubalulekileyo kubo bonke abaProfethi, kuquka u-Abraham, uMosisi kunye noYesu Inga uxolo luka Allah lungakubo bonke.

Incwadi Engcwele ye Islam yiQuran Engcwele, Ilizwi lika Allah Ta'ala.

Eyona nto iphambili kukuthandaza rhoqo, ukukholwa, ukuzila ukutya nezinye izinto kube kanye ngonyaka inyanga yonke, ukuthabatha uhambo oluya eMakkah Mukarramah kube kanye ebomini kunye nokwenza umnikelo.

Imbali ye Islam ngokufutshane:

570 - Ukuzalwa komProfethi uMuhammad sallallahu alayhi wasallam

610 - Ukuqala ukufumana isiprofetho sokuqala seQuran

614 - Imfuduko yokuqala yokuya eAbyssinia (Etopiya)

622 - Ukufudukela kwakhe eMadinah Munawwarah

632 - Ukusweleka kukamProfethi uMuhammad sallallahu alayhi wasallam

660 - I Islam yafikelela eYiphutha, eLibya, e-Iraq, e-Iran, ePalestina, naseSyria

750 - I-Islam yafikelela e-Algeria, eMorocco, eSpain, ePortugal, nasePakistan

1250 - I-Islam yafikelela embindini we Asia

1600 - Ngoku yayisele ifikelele eTurkey, Greece, Hungary, Bulgaria, Serbia, Albania, Bosnia, Mali, Nigeria, Kenya, Tanzania, Mozambique, Indonesia, Malaysia

I-Islam yeyona nkolo igqugqisayo embindini we Asia, Indonesia, eMbindi Mpuma, eMantla e Afrika, eSahel kunye nezinye iindawo eAsia AmaMuslim e Afrika ayi 47% yenani lwabantu base Afrika.

AmaMuslim enza iipesenti
ezingama-47 kubemi baseAfrika



Ukufunda ngakumbi malunga
ne-Islam, nxibelelana nathi



DUAI



AL HIDAYAH
CENTRE
EASTERN CAPE

- 041 492 2773
- info@alhidayah.co.za
- 18 Bonaventure Crescent, Port Elizabeth
- www.alhidayah.co.za
- 041 492 2773 | <https://wa.me/27414922773>

FUNDA MALUNGA NE-ISLAM

<http://alhidayah.co.za>



[/radio-forte-xhosa/](#)

[/xhosa-tafseer/](#)



[/quran-xhosa-translations/](#)



[/ilizwi-le-islam/](#)

[/tayseerul-Aqaaid/](#)